



珍珠囊指掌補遺藥性賦卷之三

東垣李杲明之編輯

吳門王子接晉三重訂

玉石部

藥能治病醫乃傳方當明藥品貴賤良毒之異須嘗氣味酸鹹  
苦辣辛甘

切以金銀珠玉之貴白堊石灰之賤藥性之良則丹砂鍾乳  
氣毒則信石礪砂至於五味酸入肝鹹入腎苦入心辛入肺  
甘入脾辣則有溫涼寒熱之異  
功力有急緩性職有溫涼

其如朴硝之性急若煎作芒硝性乃緩慢矣

本草之作肇始漢皇

肇卽始也炎皇神農氏也本草之爲書由神農嘗百草一日而遭七十毒始興醫藥相救謂之本草

未言草木之品彙且提玉石之紀綱

倣本草圖經以玉石部爲先而草木之品次之

金屑玉屑辰砂石床能驅邪而遁鬼崇可定魄而制顛狂止渴除煩安鎮靈臺明眼目補精益氣依經鍊服壽延長金屑味辛平有毒處處有之梁益寧州最多出水砂中得屑謂之生金有不鍊服之殺人玉屑味甘平无毒生藍田丹砂一名珠砂味甘微寒无毒唯辰州者最佳故謂之辰砂生深山石崖間穴地數十尺始見其苗乃白石耳謂之硃砂床卽石床也砂生石床上亦有淘土石中得之非生於石者又按本草石床自有本條味甘温无毒謂鐘乳水下凝積生如筍狀漸長

久與上乳相接爲柱出鐘乳堂中謂之石床人心謂之靈臺  
金屑玉屑辰砂石床四品之性主治相同皆可依圖經法鍊  
服食則延年不老

生銀屑鎮驚安五臟鐘乳粉補虛而助陽

銀屑味辛平有毒生銀屑當取見成銀箔以水銀消之爲泥  
合硝石及塩研爲粉燒出水銀淘去塩石爲粉極細用之。  
石鐘乳味甘温无毒道州者佳須鍊服之不膩使人病淋治  
咳嗽行乳道補髓添精強陽道益肺家

代赭石能墮胎而可攻崩漏伏龍肝治產難而吐血尤良代赭

石用火煨醋淬七遍研水飛味甘寒无毒出代州其色赤故  
名代赭石養血氣強精辟邪畏天雄附子。伏龍肝灶中土  
也味辛温微毒消癰腫催生下胞止血崩

雲母補勞傷兼明目水銀除疥蝨與瘡瘍

雲母石味甘平無毒安五臟堅肌止痢局方有法煎雲母膏  
治癰疽惡毒等瘡。水銀卽硃砂液能消化金銀使成泥味  
辛寒有毒一名永畏磁石難產可用催生

治風喉理鼻息功全礬石止漏下破癥結用禹餘糧

礬石味酸寒無毒出晉州者佳化痰止咳攻陰蝕諸瘡漏煨  
過謂之枯礬亦可生用。禹餘糧火煨酸淬七次搗細水飛  
味甘寒平無毒出潞州形如鵝鴨卵外有殼重疊者是其中  
有黃細末如蒲黃者謂之石中黃

朴硝開積聚化停痰煎作芒硝功却緩硝石止煩燥除熱毒煉  
之須掃地邊霜

朴硝味苦辛大寒無毒生益州初採掃得一煎而成故曰朴

硝再取朴硝淋汁煉之有細芒者謂之芒硝專治傷寒硝石  
味辛苦寒無毒卽掃地霜淋汁煉成者

打破瞳神得空青而依然復舊胎空乏孕紫石英有再弄之璋  
空青味甘酸寒無毒生於有銅處銅精氣熏則生今信州時  
有之其腹中空破之有漿者絕難得大者如雞子小者如豆  
子治眼翳障爲最要又有曾青銅出處色理亦無異俾其彩  
疊疊連珠相綴其中不空與空青功效不相上下。紫石英  
味甘辛溫無毒專治女子風寒在子宮絕孕十年無子又有  
白石英治風濕痺安魂魄強陰道黃赤黑色皆不入藥  
熱渴救救寒水石壯陽須索石硫黃

寒水石一名凝水石味甘寒無毒出汾州及邯鄲卽鹽之精  
也治火燒丹毒能解巴豆毒畏地榆。硫黃味酸

土溫大熱有毒出廣州治疥虫蠶瘡堅筋療老人風秘

腎臟既衰煅磁石而強陽道膀胱不利炒食鹽以熨臍傍磁石  
味辛鹹寒无毒有鉄處則生惡牡丹皮畏黃石脂能吸鉄補  
益勞傷兼治耳聾 食鹽味鹹温无毒解州者勝治霍亂痰  
癖可用吐之

水銀飛煉成輕粉殺諸疥癬善治兒疳石灰風化方爲勝不堪  
服食可療金瘡

輕粉卽水銀粉味辛冷无毒畏磁石忌一切血。五月五日  
採百草搗汁調煅過石灰未作團陰乾專治金瘡刀斧傷處  
不堪入藥

石膏發汗解肌去風寒熱滑石除煩止渴快利小腸石膏味甘  
辛大寒无毒與方解石相類須用細理白澤者真治頭疼解

肌發汗黃色者服之使人淋。滑石味甘寒无毒用白色軟嫩者佳能益精除熱療女人產難。

殺三蟲破癥結胡粉一名爲粉錫敷金瘡淘眼暗銅青銅綠竟無雙。

胡粉一名粉錫一名定粉俗名光粉卽今化鉛所作婦人容面者味辛寒无毒。銅青銅綠以醋沃銅上卽生乃銅之精華也微有毒不可入藥。

吐痰抵痔蜜陀僧兼抹黠斑隨手沒生肌止痛無名異折傷可理并金傷。

蜜陀僧卽鍛銀爐底也味酸辛有毒。無名異味甘平无毒金傷謂刀斧傷也。

硼砂攻喉痺止嗽消痰直有理膽礬除熱毒諸癩瘰氣盡消詳。



叻砂一名蓬砂味苦辛煖無毒出南番者色重褐其味和其效速出西戎者其色白其味雜其功緩不堪入藥作金銀鐸藥用之。膽礬圖經作石膽味酸辛寒有毒信州有之生於銅坑中採得煎煉而成消熱毒療諸風癱瘓可吐風痰伏火靈砂辟鬼邪安魂魄明目鎮心通血脈藏泥白堊除洩痢破癥瘕瀆精止漏又爲良

靈砂一名二氣砂用木銀一兩硫黃六銖研細二味先同炒作青砂頭後入水火既濟爐中抽之如束針紋者成就也惡磁石畏酸水。白堊卽善土味苦辛溫無毒處處有之採無時

石燕治淋催難產黑錫安鎮尉蛇瘡

石燕產零陵州形似蚌其實石也性涼無毒女人產難兩手

各握一枚胎立出。○黑鉛味甘无毒有銀坑處皆有粉錫胡

粉光粉皆化鉛所作又鉛白霜以鉛雜水銀煉作片置醋醱

中蜜封經久成霜謂之鉛白霜性極冷割傷也割平聲與瘡同

黃丹乃是熬鉛作生肌止痛礬石特生非常熱養就丹房黃丹

圖經作鉛丹又名號丹用時炒令赤色研細味辛微温无毒

止吐逆療癰癩傳金瘡良。礬石俗呼鎮風石味辛甘大熱

有毒嚴寒置水中令水不水性堅硬而拒火燒之一日夜方

解散攻擊積聚痼冷之病最良須真者必取鸛巢中團卵而

助煖氣者方真乃修真煉丹之藥品

血暈昏迷法鍊廣生花藥石折傷排膿火燒醋淬自然銅花藥

石出陝州閿鄉縣性至堅硬保金瘡止血局方以硫黃合和

花藥石如法鍊成專治產後血暈去惡血。○自然銅味辛平

無毒出銅處有之形方而大小不等似銅寶石也不從曠煉自然而生故曰自然銅也

礪砂能破癥瘕積聚若遺生用爛心腸信石可吐膈內風痰倘中其毒促人亡

礪砂味鹹苦辛溫有毒能消五金入百腐人腸胃生服之化人心爲血。信石圖經名砒霜信州者佳故名信石味若酸有大毒主諸瘡風痰在胸膈可作吐藥用不宜多服能傷人命若誤中礪砂砒霜二毒急宜冷水調菘豆汁飲之可解

神方  
梁上塵消軟癩通喉噎橫生立產井泉石性寒京攻火熱除醫

梁上塵一名烏龍尾性微寒无毒凡使須去烟火遠高堂佛殿上者拂下篩而用之。井泉石性大寒無毒處處有之以

饒陽郡者為勝得菊花梔子最良

勻瘡冷止頭疼无遺太陰立精石安心志制癩狂誰知鉄粉和鉄漿

立精石出解州解縣今解地積塩倉中方有之其色青白龜背者良味鹹温无毒。鉄味甘无毒取鉄浸之經久色青沫出可染皂者為鉄漿治癩狂鉄拍作片段置醋糟中積久生衣刮取為胤鉄粉能安心志

雄黃能殺虺蛇毒妊娠佩帶轉生男子鍊之久服自身輕要生女子佩帶雄黃

雄黃雌黃同山所生自陽處生雄黃山陰有金處金精熏則生雌黃婦人覺有孕以雄黃二兩絳囊盛帶之可轉女為男以雌黃半兩素囊盛帶之可轉男為女雌黃煉服久則轉身

可入仙家

備金石之品味治病得以推詳

總括上文諸藥悉可封證而施治也

草部上

歡夫天生烝民地生百草人生不无扎瘡之常以致病於壽天  
草有治病之功用別花苗實腦

烝衆也實卽子腦卽根各有所宜也

開心明目去濕痺風寒菊花消濕散痺風生頭眩痛攪  
葛蒲一名昌陽須用生石磧上一寸九節者良味辛温无毒  
○菊花味苦甘平无毒主胸中煩熱明目聰耳

治渴補虛安五臟快覓人參温中解毒性平和無如國老

人參一曰人蔘味甘微寒微寒无毒反藜蘆○甘草味甘平

无毒主解百毒爲衆藥之王故號國老反大戟芫花甘遂海藻

白木益脾止瀉嘔若動氣不宜蒼朮平胃壓山嵐用米泔浸炒  
白朮味甘辛无毒主風寒濕痺益脾胃補虛勞消腫傷寒有  
動氣者不宜服○蒼朮深米泔浸一宿換泔浸炒乾去皮味  
苦甘辛毋毒治傷寒痺痛温瘧可發散

生地黃能行血兼止吐衄折傷熱地黃能補血更治虛勞焦躁  
生地黃大寒亦治產後血攻心及女人經水閉絕○熱地黃  
淨洗酒浸蒸兩三次焙乾味甘苦温无毒熟乾則温補生乾  
則平宜熟者止崩漏安魂魄治驚悸補內傷

天門冬鎮心止吐血衄血性寒而能補大虛麥門冬解渴開結  
益心腸勞熱可除煩可保

天門冬味苦甘平大寒無毒悅人顏色。麥門冬味甘平微寒無毒二味並抽去心焙乾用。

地膚子車前子除熱去風明眼目能使膀胱水穀分。兔絲子巴戟天添精補髓主延年解去腰疼誠有效。

地膚子卽落帚子來苦寒無毒。車前子味甘鹹寒無毒能滑胎止瀉痢。兔絲子味辛平無毒水洗澄去砂土酒浸一宿蒸過乘熱搗成膏焙乾再入藥方可研末。巴戟天須連珠者去心酒浸焙乾味辛甘微溫無毒除風強筋益力治夢與鬼交。

牛膝補虛攣膝痛月經若閉亦能通柴胡去熱治勞傷上療傷寒功力到。

牛膝爲君味苦酸平無毒。柴胡味苦平辛微寒無毒治濕。

痺拘攣可用煎湯浴之下氣消痰止渴傷寒爲要藥

草決明瀉肝熱明目驅風兼鼻淵草龍膽益肝虛驚惕无憂疳  
虫掃

草決明味鹹苦甘平微寒无毒草龍膽味苦寒无毒益肝明  
目最治痘

菴藺子性苦寒風寒濕痺水皆寬茵陳蒿性苦冷時氣發黃材  
可導

菴藺處處有之味苦微寒无毒久服輕身明目○茵陳蒿味  
苦平微寒无毒治淋難小便閉澇不通

遠志一名小草堪收夢裏遺精黃精俗字山姜人服延年不老  
遠志要去骨以甘草湯浸煮炒乾味苦温无毒前名小草一  
似麻黃但無節令人生知慧定心驚○黃精俗呼山美爲味



甘平无毒然與鈞吻相似但一善一惡要仔細辨認切勿誤用鈞吻則傷人至死故謂之鈞吻

北五味補虛下氣止嗽強筋南木香止痢健脾氣疼是寶五味子味酸甘鹹苦辛故曰五味性温无毒止渴消酒毒●木香形如枯骨者佳不見火味辛温无毒去膀胱冷氣除癥瘕止瀉痢

金瘡止血王不留行是名剪金花風癰赤丹本草景天卽是慎火草

王不留行味苦平无毒可催生產利月經○景天味苦酸平无毒主勞煩大熱瘡女人漏下用花良

絡石治癰瘡消熱毒苗似龍鱗川芎醫頭痛圭筋攣形如雀腦絡石爲君卽石鱗又名龍鱗薜荔味苦温微寒无毒畏貝母